

اداره مخصوصه

درسعادتده ياب على جاده سنده

محل اداره :

مُصَدِّقَاتُ

۱۳۲۶

اخطار :

مسلكمزه موافق آثار جديده مع المنونيه

قبول اولنور

درج ايله بن آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن بحث ايدر و هفته ده بردفعه نشر اولنور.

درسعادتده نسخه سى ۵۰ پاره در

قىرله دن مقوا بورو ايله كوندريليسره سنوى
۲۰ غروش فضله آلنير

درسعادتده پوسته ايله كوندريليسره ولايات بدلى اخذ اولنور

صاحب و مؤسسرى :

ابوالعلا زين العابدين — ح. اشرف اديب

| سنه لكى | التى آيلنى | غروش | ولاياتده |
|---------|------------|------|-----------------|
| ۸۰ | ۴۰ | » | |
| ۸۰ | ۴۰ | » | ممالك اجنبيه ده |

تاريخ تاسيسى
۱۰ تموز ۳۲۴

ايكنجى جلد

۱۰ شعبان ۳۲۷ پنجشنبه ۱۳ اغستوس ۳۲۵

عدد : ۵۱

در سعادتده باب عالی جاده سنده
اداره مخصوصه

محل اداره :

مستطابق

اخطار :

مسئکزه موافق آثار جدیده مع المنوبه
قبول اولنور
درج ایدله بن آثار اعاده اولنور

دین، فلسفه، علوم، حقوق، ادبیاتدن و سیاسیاتدن وبالخاصه کرب سیاسی و کرب اجتماعی ومدنی احوال و شئون اسلامیهدن
بخت ایدر وهفتهده بردفعه نشر اولنور.

در سعادتده نسخه سی ۵۰ پاره در

صاحب ومؤسسی :

ابوالعلا زین العابدین — ح. اشرف ادیب

قبرله دن مقوا بورو ایله کوندریلیرسه سنوی
۲۰ غروش فضله آلیر

تاریخ تأسیسی

۱۰ تموز ۳۲۴

سنه لکی

التی آیلنی

غروش

۸۰

۴۰

»

ولایاتده

۸۰

۴۰

»

ممالک اجنبیهده

در سعادتده پوسته ایله کوندریلیرسه ولایات بدلی اخذ اولنور

ایکینجی جلد

۱۰ شعبان ۳۲۷ پنجشنبه ۱۳ اغستوس ۳۲۵

عدد : ۵۱

بیوردینی عقل وبعث ایلدیکی انبیایله فضلی کمال بولمش اولدیغندندرکه
جمهور ائمه «ماوجب علی الله اصلاح العالم» قضیه سنی وبناء علیه نصب
امام خصوصتک امت اوزرینه واجب اولدیغنی تأسیس و تقریر ایلدیله.
چونکه احوال اجتماعیه یه دائر اولان تکالیف شرعیه ایله مکلف
فرد مخصوص و معین اولیوب صدر آیات قرآنیه تک (یا ایها الناس)
(یا ایها الذین آمنوا) صورتنده ورودیه مستدل اوله جنی وجهله مخاطب
خطاب الهی عموم ناس اولدیغندن ریاست حکومته کلن ذاتک خلافتی
آنحج عامه تک قبولیه صحیح اوله بیلیر. خلقک بالطوع و الرضا حکومت
وریاستنی قبول ایتدیکی ذاته بیعتی دخی کندیسنک شرایع الهیه وقوانین
مرعیه یه اتباعیه مشروطدر.

(کنتم خیرامة اخرجت للناس تأمرون بالمعروف و تنهون عن المنکر)
آیت کریمه سی دلالتیه امور حکومتی مراقبه کافه مؤمنینه واجب و (کلکم
راع و کلکم مسئول عن رعیته) حدیث شریفی موجبجه ملتک هر فردی
حصه حاکمیتندن مسئول اولدیغنه کوره قوانین الهیه و منافع ملیه یه مخالف
حرکتله نفوذ حکومتک سوء استعماله او عرامسنه ممانعت عامه اوزرینه
لازم اولمق مسئولیتک نتایج ضروریه مسنددر.

حضرت فخر رسل اقدمزک عالم عقبایه ارتحالرینی متعاقب اجماع
امتله صدیق اکبر و اندن صکره وصیت صدیقک تنفیذی خصوصنده
امتک واقع اولان اتقاقی اوزرینه فاروق اعظم یکدیگری تعقب ایدرک
صدر نشین خلافت اولدیله. حضرت عمر ارتحالندن مقدم امر
خلافتی شورایه ترک ایتمکه اهل شورانک قراریه ذوالنورین
حضرت تریینه تقلید خلافت اولندی. مشارالیهک شهادتنده مدینه منورهده کی
جمهور اصحابک بیعتیه حضرت امام مرتضی خلعت خلافتی دوش فضل

مقام جلیل مشیخت اسلامیهدن بالعموم نائب ومقتیلرله
کافه بلاد اسلامیه علما و مشایخ کرامنه خطاباً تسطیر و ارسال
قلنان بیاننامه در :

بسم الله الرحمن الرحیم

الحمد لله رب العالمین و الصلاة والسلام علی محمد و آله و صحبه اجمعین.
صلاح عالم فاطر عوالم اولان الله ذوالجلال حضرت ترینک مقتضای
اراده ازلیه سبحانیه سندن اولمقله عقل و ادعان ایله امور شخصیه و اجتماعیه
سنده تدبیر و تصرفه قادر یار ایدینی انسانی (هو الذی جماعکم خلافت فی الارض)
ما صدقجه روی زمینده حاکم و (سخر لکم مافی السموات و مافی الارض)
مقتضاسیله محتویات زمین و آسمانی منافع انسانیه یه خادم قیلمشدر. ایشنه بو
حکمت جلیله موجبجه انسان اراده جزئیه سیله قوای کونیه یی تسخیر
و استفاده مقتدر بولمقله تنظیم امور عالمه مکلف طوتمش و ابنای
بشر بیننده حصول صلاح و نظام توحید آمال و منافعه موقوف اولوب
انسان ایسه بازیمجه هوای نفسانی و نفس اماره تک شرافساد و اغوا سندن
قورتلیمق ایچون محتاج ارشاد ربانی بولندیغندن خالق ذوالمان حضرت تری
کمال فضل و مرحمتندن انبیای عظام ارسالی و کتب و احکام انزالی
ایله عقل ابتدائیک استخراج و استنباطنده کوچک چکچکی مصالح
عمومیه احکام و قواعدینی و اصول صلاح و سعادتک نور اخلاص
و ایمان ایله طریق عقله تبعیتده اولدیغنی بیلیرمشدر که بصورتله حجت
الهیه تمام و حکمت تکلیف ظاهر اولمش و پرتو عقل مهدینک تنویر
ایتدیکی منهای مستقیمدن عدول و انحراف ایدنار (صم بکم عمی فهم لایمقلون)
آیت کریمه سیله دائره هدادن خارج و مطرود قالمشدر. خالقک احسان

وشهامتته اکتسایا ایتدی. سیرت ملکانه وعدالت انسانیتپورانه لرلیله خلفای راشدین نامی آلان بو چهاریار کزین زمان سعد اقترانلرنده فتوحات مسلمین اقصای اقطار جهان واصل واقوام عربیه طوائف اعجمیه ایله اختلاطلرندن واغراض و منافع متخالفه نك تصادم و تراحمی تأثیراتندن ریاست حکومت خصوصنده طوع و رضایحیر و تغلبه منقلب اولوب تا سلاطین عثمانیه ظهورینه دک بعض شواذ ملوک و خلفا زمانلری استثنای اولندقدن صکره استحصال حکومتده جبر و تغلب استعمالی خالقک بیعت طایمانه سنه مراجعته ترجیح اولمشدر .

وقتا که (اصلها ثابت و فرعها فی السماء) آیت جلیله سنه ماصدق اولان شجره مبارکه آل عثمان رونق بخش سلطنت و خلافت اولدیله احیای سنت خلفای راشدین خصوصنه اعتنا ایله احیای آیین دین مبین ایتدیله . اولاجبر واکراهی رفع خالقک مبايعت مطاوعتکاریسنه مراجعت ایلدیله . ثانیاً اطراف ممالک فضلای علمادن وارباب صلاحدن قضاة ونواب تعیینی قضا ایله تنفیذی آیردیله .

بعده کشاد ایلدیله طریق علمیه ده یتشدیردیگری علمای اعلام معرفتلیله مصالح انامی ایجابات عصریه به توفیق ایچون توسیع فتاوی قضیه سنی تقریر و تأسیس ایدرک قوای ثلاثه حکومتی حکمت شرع و عقله تمامیه مطابق اولمق اوزره تعیین ایلمشلردی که حامل قدرت تشریح اولان اهل علم و صلاح بوتشکل مشروعک نتیجه طبیعی سی اوله رق امر مراقبه بی ده حائز و متعهد اولمشدر . بو وجهله تنفیذ واجرا وزرا و امرايه ، حل و فصل خصوم ایله حکم و قضا قضاة ونواب فضلايه و تشریح و مراقبه ایله افتا شعبه اجتهاد و فتوا ده قابلیتهای استقلال اولان اعلام علمایه عائد قلمش و کافه عناصر عین حکمت اولان عدالت شرعییه کمال خشنودی ایله انقیاد ایلمشدر . دولت عثمانیه مرکز تشکل جغرافیسی و وسعت ممالکی و جلالی طوائفی کبی برطاقم ارباب فساد ظهوری و ممالک مفتوحه اوزرنده دول متجاوره نك مطامعی نتایجی اوله رق ادوار اخیرده توالی ایدن محاربات و اختلالات داخلیه و خارجییه نك و بونلره ضمیمه ممالکی دفعاتله استیلا ایدن امراض و بائیه نك ایراث ایتدیکی تعب و فتور ایله تولید ایلدیکی فقر و پریشانی یوزندن نور علم رفته رفته زوال یولنی طومش و علم و کمال یرینه جهل و ضلال قائم اولمغه باشلامش و بوحال دولتمنزی برقاچ کره لر انقراض و اضمحلال تهلیکه لرینه دوشورمشدر .

بالاده عرض و ایضاح اولندیگی وجهله نصب امامک شرعاً امت اوزرینه واجب و خطاب ربانی به عموم ناس مخاطب و امر بالمعروف و نهی عن المنکر وظیفه سیله کافه افراد امت مکلف اولمسی طولایسیله حاکمیت امته ده راجع اولوب امتی ترکیب و تشکیل ایدن صنوف خلق ایسه وجوه معروضیه ببناء بالطبع متسلسلاً یکدیگره ضامن و مراقب بولمق اقتضا ایده چکنندن هر هانکی صنف وظیفه مخصوصه سننده تکاسل و تسامح کوستردیکی حالده امر اداره ده حاصل اوله جق اعوجاجی صنوف سائر نك طوغریلتمقله مکلف بولمسی ذکر اولنان ارتباط مسلسلک نتیجه شرعیه سیدر . ایشته حضرت شارع بودقیقه به (لاطاعة

للمخلوق عند مصیته الخالق (وانما الطاعة فی المعروف) کتایله تنبیه و قرآنده کی (واتقوا قننه لاتصیین الذین ظلموا منکم خاصة) تهیدیله ینه تکاسلدن تحذیر اولندیگی حالده بوتنبیهات و تحذیرات قارشو سننده ذره قدر غفلت کوسترمکدن شیرازه انتظام اداره نك خالل بولمسی محققدر . مع مافیله بوندن هر صنف خالقک امور حکومته حق مداخله سی اولدیگی معناسنی چیقارمق طوغری اوله میوب بالعکس اعضاسی ملت طرفندن منتخب برهیئت مراقبه نك تحت تفتیش و نظارتنده بولنه جق اولان بر حکومت مشروطه مشروعه نك افعال واجرا آتی هر درلو مداخله دن مصون بولنور و بویله بر حکومتک او امرینه سمننا و اطعنا جوابیله اطاعت و انقیاد خلق اوزرینه فرض عین اولور .

شریعت غزای احمدیه دولت عثمانیه نك اس القوانینی اولدیگی وقوای حکومت حکمت شرعیه و عقلیه نك حسن توفیق واه تراچندن مترکب بولندیگی جهتله اساس نش-کننده کی متانت قولایلقله پذیرای تزلزل اوله مدیغندن جهل و نادانی زمانلرنده بیله دولت هیئت علمیه ایچنده وجودلری انقطاع بولمیان و قلملرنده کی خوف الله سبینه جباریه بویون اکه مین اولو العزم اتقیای علمانک دوام مراقبه سیله صورت تشکل و ترکیبی محافظه یلمش (واناه لا یغیر ما بقوم حتی یغیروا ما بانفسهم) تهلیکه سنه دائماً معروض اولمقله برابر بوندن بویله ده الی ماشاء الله (وان لو استقاموا علی الطریقه) ضمان الیه سننده اشارت اولنان استقامت ملیه ایله مضمون و مکفل بولمشدر .

دور سابق ثلث قرن ایچنده دولنک تشکلات اصلیه و فرعیه سنی تمامیه تشویش ایلمش اولدیغندن عدالت مختل و ظلم و تجبر شایع اولمغه صنوف اهالی حکومتدن متنفر و عناصر مختلفه آره سننده شقاق و نفاق حادث و بوحال ایله اودای خارجییه اعدای اجیبه عدادینه داخل اوله رق دولتی هر طرفدن تضییقه باشلادیگی و عثمانیلق مهلاکه اضمحلاله طوغری سرعتله اوچقمده بولندیگی بر زمان مشکله ایدی که مدارک مستحکمه حفظ رحمانه محتفی و مستتر اولان فرقه ناجیه مجاهدین جباره معاندینه قارشو «الله اکبر» کلبانکیله رایات «ان تنصروا الله ینصرکم» ی رفع و اعلا و مروض مهالک اولان مملکتی مخاطره انقراضدن و سلاسل جور و اعتساف ایله مغلول و مقید و گرفتار هوان و مذلت اولان ماتی مقهوریت و اسارتدن تخلص ایله نائل تبشیرات (اناقضنا لک فتحاً مبیناً) اولدیله شکر الله سعیم . ایشته او قهر مانان امتک بو حر کتلیله مخبر صادق (لا یجتمع امتی علی الضلالة) خبرنده کی صدقی ظاهر اولدی (الحمد لله علی دین الاسلام) بو فتوحات جلیله بی متعاقب امت عثمانیه جه ارکان استبداد ایله صناید خذله نك صحائف سیئات سابقه سنه (عفا الله عما سلف) کشیده سیله (العفو زکوة الظفر) مضمونه اقتفا و لغسی جرأتبخش مخذولین اشقیبا اولوب (ومن یضلل الله فماله من هاد) منطوقنجه خذله هر قومه شقاوت فطریه لرنده کی جبلت ردیه لرینی اظهارده تغند و اصرار ایدرک مملکتی اولکیلرندن عظیم برتهلیکیه دوشورمشلر سه ده اقامه شرع و قوانین و احیاء سنن سید المرسلین خصوصنده کتاب مبین اوزرینه ال باصهرق عهد و میثاق ایله یمین ایتمش اولان دلاوران هان سلاح جهادی دوش حیثلرینه و امرای حماسه نهادی پیش صداقتلرینه آله رق حفظ دره بیضای اسلامه شتابان اولمشلر و ایکنجی و اوچنجی اردولر قرارگاهلرندن

مجلس مبعوثانی مقتضای شرعک اک بیوک مشالی و مشروطیتی خلافت اسلامیہ تک حقیقی تمثالی عد و اعتبار ایتمک لزومی ثابتدر . کافہ رعایا بینندہ توزیع حقوق و وظائفده شرط اہلیتہ عدالت و مساوات کوزتمک حکومتہ عائد اولوب اہالی دخی رعایا و طنداشاریہ حسن معاشرت ایتمک و آنلرک ہر صورتہ حقوقہ رعایت ایلمک وظیفہ سیلہ دیناً مکلفدرلر . قرآن کریم (ولتجدن اقرہم مودۃ) آیت بینہ سیلہ خرسیتیانلرک مسلمینہ مودتترینہ شاہد و صلحاسنک نجاتی ناطق و کتب فقہیہ دینارینک جانلرینک ماللرینک تعرضدن مصونیتہ دائر احکام صریحہی محتوی ایکن کندیلرینہ تعدی دنیادہ ظلمہ آخرتہ نکال و عقوبتہ مؤدی اولور . (لقدکان لکم فی رسول اللہ اسوۃ حسنۃ) آتی مسلما نلری اتباع سنتہ و مکارم اخلاقی تمام ایچون بعث بیورلش اولان حضرت خاتم الانبیا افدمز (تخلقوا باخلاق اللہ) کلامیہ اخلاق الہیہ ایلہ تخلقہ داعی اولوب جناب حقک عدل و احسان سبحانسی ایسہ بلااستنا عامہ مخلوقاتہ شامل بولمغله اهل اسلامک و طنداشلری اولان ملل سائرہ بہ غلظت و خشونت ایلہ معاملہ و خصومت اظهار ایلملری رضای الہی و اوامر رسالتیناہی بہ علناً مخالف اولور کہ بو مخالفتی ارتکاب ایدنلرہ قرآن کریمدہ کی (انما جزاء الذین یحاربون اللہ ورسولہ) آیت جلیلہ سندہ وصف اولنان زمرہ خاسرہ بہ داخل اولورلر . بوزمرہ حقدہ عقوبات اوکی متجاسر متجاوزلر حقدہ اشد جزا ایلہ مجازات حکومتجہ مقرر اولدیغندن حسن معاشرت لزومک برلسان مؤثرلہ عوام ناسہ تفہیمی و ترویجات مفسد تکارانہدہ بولنہ حق اشرایہ قابل ماملری ایچون خلقک لایقطع ارشاد و تعلیمی تنبیہ و توصیه اولنور .

شیخ الاسلام

کتبہ الفقیر پیری زاده

محمد صاحب

عفی عنہما

مناقب سنیه

بسم الله الرحمن الرحيم

حضرت فخر الرسل صلی اللہ علیہ وسلم افدمزک کالات عالیہ سی حد احصادن افزون و صفات و خصائص سنیه لری دائرہ استقصادن بیروندر .

کالات و خصائص محمدیہ بی وصف ایدنلر غایتی تصور ایدیلہ مین برکک انجق بر مقدار قلیلنہ واصل اولہ بیلدیلر . و بونکچون حق توصیفدن عاجز قالدیلر . ناظم حضرتلری قصیدہ برئہ سندن ابیات آتیہدہ بومعناپی یک بلیغانہ افادہ ایتشددر :

فان فضل رسول الله ليس له

حد فيعرب عنه ناطق بفم

دع مادعته النصاري في نبيهم

وا حكم بما شئت مدحا فيه واحتكم

مقر خلافت اولان بلده طیبیہ برق خاطر سرعتیلہ یتشہرک عالمی کندولرینہ حیران ایلمشدرلر . قارشولرنده مقاومتناہی ضلال اولان معاندینی شمشیر جلادتلریلہ قهر و تدمیر و الحق دولت مؤسساری عد اولنہ حق صورتہ اتخاذ تدبیر ایتدیلر . (انما جزاء الذین یحاربون اللہ ورسولہ ویسعون فی الارض فساداً) آیتنک تصویر ایلدیکی کر یوہ ضلال سالکاری ایسہ (ان یقتلوا ویصلبوا او تقطع ایدیہم وارجلہم من خلاف او ینفوا من الارض) رعیدیلہ جزای سزالیہ و غیر ادلدیلر . حرکت اردوسی نامنی آلان بوجع مجاہدینک ضلال رایات نجاتغایانندہ ملنک کندی انتخابیلہ ترجان آمالی اولہرق اجتماع ایدن اساطین امتک کمال حریتلہ و یردکلی رأیلرک مطابقتیلہ احوال موجودہ حقدہ حکم شرعی طلب اولنہرق وظیفہ دارافتا اولان علمای اعلامک اتفاق آراسیلہ مشیخت اسلامیہ تک اصدار ایلدیکی فتوای شرعی منطوقجہ خاقان سابق خلعت سلطنتدن تجرید و حالاریکہ برای خلافت اولان پادشاهمز سلطان محمدخان خامس حضرتلری خلقک طوعاً بیعتیلہ باجماع الامہ کرسی خلافت و امامت مؤمنینہ اجلاس اولندی . ایشته بونجہ دورلر الجبات زمان ایلہ نسباً منسیاً حکمنہ کیرن بیعت مقبولہ شرعیہ یرینی بولدی . (الحمد لله الذي هدانا لهذا وما كنا لنهتدي لولا ان هدانا الله) دور سابقک مظالم و سبقتی نامحدود اولدیغی قدرده هر کسہ معلوم اولدیغندن انک زوالنہ شکر ایلہ تفصیلندن ابا واستغنا اولنور .

دور جدید عنایت ربانیہ ایلہ آچلمش محاسن د ریدر . چونکہ ابتداسی ارکان شرعدن بیوک بررکفی احیا ایلدی . بوبرحسن ابتدا و فال خیردر . بر مملکتده حصول راحت و سعادت خلقک قوانین مملکتہ تمامی اطاعت و رعایتیلہ ممکن اولور . قوانین مذکورہ سکنة مملکت اولان خلق بینندہ حقوق و وظائفک مساوات مطاقہ ایلہ توزیعنی ضامن اولمدجہ اورعایتک و بناء علیہ مطلوب اولان راحت و سعادتک حصوانہ امکان یوقدر . دولت علیہ عثمانیہ مزده قوانین عدلیہ و اداریہ شرع شریف کبی بر اساس متین حکمنہ استناد ایتدیکنندن رعیه بینندہ مساوات مطلوبہ شرعاً مضمون و مکفولدر . (لهم مالنا وعلیہم ماعلینا) یولندہ کی اخبار صحیحہ کتب دیندہ نور ہدی کبی لمعان ایتدکجہ اختلاف دین مانع مساوات اولہ باز . نظر شرع مبیندہ دخی هر وظیفہ بر حق مقابلندہدر . وظیفہ بی تحمیل ایلہ حقدن محروم ایتمک ظلم محض اولہ جفتہ و جناب حقک ظلمدن تنزیہی ضروریات ایماندن بولندیغہ کورہ شرع شریف الہینک ظالمانہ بر حکمی ناطق اولسی متصور میدر .

فخر رسل افدمزک اسلامک غیر ملتلردن حتی حکم اسلامہ داخل اولمایانلردن نیجہ کیسہ لری مشمول دائرہ استشارہ و حروب و مغازیدہ کندیلرندن استعانہ بیوردقلری واقع و کتب سیردہ مذکوردر .

(ولتکن منکم امة یدعون الی الخیر ویامرون بالمعروف وینبہون عن المنکر) آیت کریمہ سنک تصریح بلیغیلہ کزیدکان امت معرفتیلہ وجوب مراقبہ ملیہ کتاب مبیندہ منصوص و بومراقبک شرعاً ملنک انتخابیلہ اولسی مصالح ملتہ البتہ اوفق و طوائف غیر مسلمہ عناصر دولتدن و اجزای ملتدن اولمق حسیلہ آنلرکدہ بومراقبہ اشتراکلی مملکت حقدہ اولی و ارفق اولمغله